

清畫家詩史

第三册

清畫家詩史丙上目

王敬銘 吳應棻 錢陳羣 姜任修 李世倬

黃泰來 江聲 韓咸 勵宗萬 文昭

朱離模 嵩壽 吳應枚 陳重莘 華岳

馬長海 戴瀚 吳溶 杭世駿 陳景元

謝淞洲 朱繁 方士庶 張璠 邊壽民

王翰 張鵬翀 李方膺 鄒一桂 高鳳翰

汪士慎 林令旭 柳之元 丁敬 應際盛

劉文煊 彭啟豐 蔡嘉 查為義 羅崑

金農 高翔 傅廷標 蔣溥 倪園璉

徐是傲 吳震生 查禮 董承勳 查克承

黃慎 胡大年 英廉 鮑泉 黃樹穀

董邦達 王邦采 方壺 王慄 倪天鰲

葉承 唐英 方霖 閻為鉅 陳鴻業

張若鶯 圖清格 王岡 王詩 王訓

沈仁業 易祖栻 丁英曉 魏為樽 鮑元方

帥念祖 蔣璋 官銓 笄江龍 田錫

周鯤 曹夔音

清畫家詩史

丙上

寧津李潛之響泉編輯

王敬銘字丹思一字丹史號味閒嘉定人康熙癸巳
狀元山水師法麓臺得其神似生有硯癖索畫者
投以佳石無不立應麓臺弟子時有金曹玉李之
稱謂金永熙曹培源敬銘及李爲憲也有未巖詩
稿

題秋山學圃圖

比並風流三影如還同彭澤愛吾廬拋殘舊牘惟調鶴
老盡雄心欲荷鋤齋舫清於唐宋上尊鼻古是夏商餘

空將草木教題署十畝多慙沈約居

查查田以瓶菊入春未菱戲插早梅一枝命曰二

隱蔣西谷爲繪圖作詩并屬依和

不分金英倚玉枝膽瓶作合孰相期一般冷豔宜爲伴
同向東風各有時已遣傲霜偕傲雪莫因開早笑開遲
玉堂彩翰傳高格打併風光入酒卮

種菜詞

晉世空餘靖節花青門誰種故侯瓜崑岡舊業公孫宅
五百年來種菜家

淡飯當時爲甚來似經打撇瓮壚開天教留此家風在

苦菜還須著意栽

誰誇一子一須彌細細抽萌緩緩移
蹋地自佳高莫望已過夏末及秋時

也能密密也疏疏也不須澆也不鋤
多雨少晴也自可風吹毳打也由渠

吳應葵字小眉號眉菴又號青靈山人歸安人康熙
乙未進士官湖北巡撫兵部侍郎善墨竹弟應枚
字小穎相傳其父生子時夢眉山兄弟故以眉穎
字之

招隱橋

寺門面面繞青峯招隱橋邊聽午鐘千古幾人招得到
滿山惟有六朝松

中嶽廟

中天開法象御氣接氤氲殿角臨黃蓋封中超白雲祀
崇秦典禮樹老漢將軍鸞鶴凌空舞仙音縹緲聞

錢陳羣字主敬號香樹一號集齋又號柘南居士嘉
興人康熙辛丑進士官刑部侍郎諡文端稟承母
氏南樓老人家學問亦作畫嘗爲盧雅雨畫松爲
張叔未所得善書有香樹齋集

題汪千波黃山採藥圖

雲外青峯峯上松先生自署採山農他時許附追攀後
始信峯前看擾龍

江右試院十五夜喜雨畫壁遣興漫題四絕

晚涼散步到庭間鑊院深沈似閉關一陣天香簾外落
江雲銜雨過西山

黃柑貢北有飛牒分賜年年拜一雙今日定莢盛顆顆

中丞開公
餉柑十枚先嘗特地到章江

老眼重揩最易昏百花洲畔擷芳蓀夜來不作持螯興
郭索聲傳秋樹根

每逢佳節感鬢鬢遺賓筵雜俎胥童僕兩三無賴甚

飽分餅餠剝紅菱

姜任修原名耕字自芸晚號退耕如皋人康熙辛丑
進士官清苑知縣書畫奕算皆詣絕品

看劍

賸有狂奴態誰能斫地歌眼看三尺水心受十年磨却
讓鉛刀利仍然結友多底須不平事暗匣夜鳴鼉

崇川北山下拜駱臨海墓

古墓犁田出石椁題名不是比丘僧斷雲野鶴黃泥口
誰向秋風葬駱丞

李世倬字漢章號穀齋一號萊園又號天濤奉天人

漢軍籍兩湖總督如龍子官副都御史畫傳其舅
氏高且圓法又得王石谷指授故山水花鳥人物
白描各臻其妙筆力蒼勁善用乾皴

題畫

亂山深處黃茅屋活水灣頭白板橋但得人來嘗問字
劇勝蓑笠溷漁樵

自題做雲林小幀

弄墨閒窗却病魔倪迂心腕得來多三休可是亭如此
九折巖詩憶老坡

黃泰來字交三泰州人善畫書工篆隸

爲顧苻文題碧梧村莊圖

君家家住虎邱東
小結茅齋樹幾叢
遙想焚香潑墨處
一聲鳴鶴綠天中

江聲字飛濤號白沙常熟人工畫墨竹尤精校勘
書籍有匏葉齋詩稿

竹石畫扇

細竹嬋娟若美人
風梳雨洗越精神
不添一片平泉石
林下將何作比鄰

韓咸字無我會稽人工畫有青琳堂詩鈔

落花

畫橋流水太恩恩似繡園林翠幃空柳下人家初過雨
草間蝴蝶不禁風漁舟迷處沿溪暗蹋鞠歸來糝徑紅
悵望飛瓊牽不住可堪斜月剩朦朧

勵宗萬字滋大號衣園靜海人文恪公杜訥孫文恭

公廷儀子康熙辛丑進士入翰林年才十七歷官

刑部侍郎以畫供奉內廷兼工山水花鳥筆意恬

雅設色古淡書法褚顏蘇米與張得天齊名稱南

張北勵

秋日屯留道中

迤邐平沙一徑通驅將溽暑仗金風人行翠陌青疇裏

秋在縣雲絮雨中砧杵隔村時送響旌旗臨水偶搖紅
兩年三過銅鞮路吟到丹楓興不窮

恭和御製題杏花詩

上林千樹染胭脂走馬芳隄得意時忽憶江村寒食路
鞦韆影裏弄春熙

分題供奉余省畫盆橘

天成一樹挹甘香手摘瓊星散采芒仙果金盤秋湛露
漢珠火齊夜生光可能剖食思平仲尙憶懷歸問陸郎
疑是揚州新入貢南薰殿裏得分嘗

文 昭字子晉號薌嬰清宗室爲紅蘭主人從孫少

從漁洋山人學詩工書畫勤學好士所居紫幢軒
以楸花得名又葺枕栢軒爲賓從游讌之地嘗受
道錄自稱檜棲居士近畿北柴大房山最勝因舊
游其地晚號北柴山人手輯宗室各家詩名宸萼
集著有香嬰居士詩集

自題畫冊

鈔一

繭形栗色小剗團老蔓如虵上樹蟠莫笑道人依樣畫
此中要貯大還丹

胡盧

題鐵拐李仙像

髻髮逢松眉眼麓常將一鐵鎮相扶層霄也要防蹉跌

不獨人間有畏途

畫北砦山圖

曾在房山留十日迄今五見歲云徂奇峯一一心猶記
割紙先摹北砦圖

自題停車問酒圖

雪麓寒林黯禁城酒旗翻處認茅蘅玳牛一軛沙堤軟
憶向西山道上行

打麥子

菖蒲節後麥成秋禾稼油油漸沒牛始信太平原有象
麥堆高出土牆頭

諺云麥子刺頭高糧沒牛

朱雝模字三農號臯亭又號南廬錢塘人善山水年
逾九旬猶揮灑不倦有三農外集

殘夏過白田主人寓齋是日同買醉五柳居及放
船湖心亭

湖中佳興待誰收携杖來尋湖上樓五柳樹陰留小酌
兩峯嵐翠落扁舟舉棋水檻消殘醉分韻山僧憶勝遊
集湖上適靈隱巨漚上人舟次相晤同分韻去遊宦由來閒境少還期相探芰
荷秋

嵩 壽字茂承號雲依滿洲人希文簡公福曾孫雍
正癸卯進士官禮部侍郎工山水

題畫

寒臬度虛籟遠樹接山根一縷炊煙盡歸雲帶溼痕

吳應枚字小穎一字頴庵歸安人應棻弟雍正甲辰

進士官大理寺少卿山水師王麓臺有客槎集墨

香幢詩

題庶子張鵬翀進春林淡靄圖

林外霏微靄四垂花含煙潤柳舒眉展開一幅畿南景
正是深宮望雨時

陳重莘字尹如上元人傳係繼儒嫡孫父官豫章卒
葬鄱陽芝山不忍棄父墓遂留鄱工畫水仙人以